

Le chevalier de la tour.

Et le Guidon des guerres Nouvellement imprimé à Paris pour Guillaume eustace libraire du roy.

Et un puiilegio regis



Ilz se vendent en la rue neufue nostre dame a lenseigne De agnus dei / ou au palais au troisieme pillier. Et en la rue saint iaques a lenseigne du crescent.

J. Ball. y d. h. s. J.

Vestoit la hayre et faisoit grans abstinences et estoit grant aumosnier aux pources / si auoit Vne seur moult grāt dame qui le Vint Veoir a grant foison de gens et moult noblement atournee de riches robes et datour de perles et pierres precieuses / et Vint en cest estat deuant son frere qui preudhōme estoit Et quant le saint hōme la Vit en icel luy grant estat et arroy si se seigna et luy tourna le dos / et la dame eut grāt honte et luy enuoya scauoir pourquoy il ne Daignoit parler a elle. Et il luy manda quelle luy auoit fait grant pitie De la Veoir et regarder en tel estat et orgueil et ainsi desguisee. Lors elle osta ses riches robes et atours et sa tourna moult simplemēt et Vint vers luy. Et quant il la Vit il luy dist. Belle seur se ie ayme Vostre corps ie Doy par raison plus aymer Vostre ame. Ne cuydez vous pas que il nen Desplaise a dieu et a ses anges De Veoir tel bobant et tel orgueil a Vestir et parler Vne telle charōgne comme Vostre corps est qui apres sept iours que lasme en sera hors puera tellement que creature ne le pourra sentir ne Veoir sans grant horreur et abhominacion. Belle seur que ne pensez vous Vne fois la iournee comment les pources meurēt de froit et de fain la hors ⁊ que du dixiesme de Vostre cointerie et De Vos noblesses feussent plus De quarante personnes ressasiez et reuestus cōtre le froit. Et lors luy dist le saint homme tant de bien et luy Declaira la folie du monde et les bobans et aussi le sauement de lame que la bonne dame plora. Et Depuis fist Vendre le

plus de ses riches robes et De ses riches atours ⁊ l'argent dōna pour dieu et print simples Vestemēs et humbles atours / et mena si sainte Vie quelle eut la grace de dieu et du monde / cest a dire des sages et des preudes gēs qui Vault mieulx que celle Des folz. Et pource belles filles a cy bonne exemple commēt len ne doit pas tant auoir le cueur au mōde ne mettre en ses cointises pour plaire aux folz et au monde que len nen departe a Dieu qui tout Donne et dont len peut acquerre son sauemēt Car il Vault mieulx moins auoir de riches robes ⁊ datours affin que ses pources en ayent leur part / car qui met tout pour auoir la plaisir du monde ie suis certain que cest folle et temptacion Dennymp. Et se doit len mieulx parer pour lamour ⁊ honneur de dieu aux dymanches ou aux festes en reuerence ⁊ louenge de luy et de ses saintz que pour la folle plaisir du monde qui nest que ombre et Vent au regard de luy qui tout peut et tout dōne et tousiours durera sa gloire.

De celles qui ne font que iangler aux eglises.



Ne autre exemple vous diray De celles qui babillent et ianglēt aux eglises quāt elles doiuent ouyr le diuin seruire. Il est contenu es gestes dathe nes que Vng saint hermite estoit preudhomme et De sainte Vie. Si auoit Vne chappelle en sō hermitage de saict iehan. Si y vindrēt Vng iour les cheualiers / les dames et les damoiselles

du pays en pelerinage / tant pour la feste comme pour la saintete Du preudhomme. Si chanta lhermite la grant messe. Et quant il se tourna apres le uangille Si vit les dames et damoisselles et plusieurs clerics & escuyers qui caquetoient et bourdoient a la messe et conscilloient les vngs aux autres. Si regarda leur fole cōtenance et vit a chascune oreille de homme et de femme vng ennemy moult noir et moult horrible qui aussi se ryoit et iangloit deulx et escriuoit les parolles quilz disoient. Ces ennemys sailloient sur eulx et sur leurs cornes / sur leurs riches atours et sur leurs cointises ainsi comme ces petis oyselletz qui saillent de branche en branche sur l'arbre. Si se seigna le preudhomme et se esmerueillla. Et quāt il fut a son canon aussi comme en la fin il les ouyt flaioller et bourder et rire et parler plus hault que deuant. Si ferit sur le liure pour les faire taire / mais aucuns et aucunes y auoit q̄ ne se teurent point. Lors dist lhermite. Beau sire Dieu faictes les taire et faire congnoistre leur folie. Adonc tous ceulx qui se ryoient et iangloient ainsi se prindrent a cryer et a braire hommes et femmes comme gens demoniacles qui souffroient si grās douleurs que cestoit piteuse chose a ouyr. Et quant la messe fut chantee le saint hermite leur dist comment il auoit veu les ennemys denfer eulx rire des mauuaises contenances que ilz faisoient a la messe. Et apres leur dist le grant peril que ilz faisoient de y parler et bourder et le grant peche. Et comme a la messe et ou seruice de

dieu nul ne nulle ny Doit Venir fors pour louyr humblement et deuotement et pour aorer et prier Dieu. Et apres leur dist comment il vit les ennemys saillir et sauteler sur les cornes et sur les atours de plusieurs fēmes et que cestoit a celles qui tenoient parolles et comptes aux compaignons & a celles qui pensoient plus aux amourettes et aux delictz du monde que a dieu pour plaie & auoir les regards des musars. Mais sur celles qui disoient leurs heures et qui estoient en deuocion il ny estoit pas combien que il y en auoit d'assez cointes et bien parees / car il tient le plus au cueur. Et apres leur dist que celles q̄ se cointissoient po^r mieulx estre regardees & y prenoient plus grant plaisance que ou seruice de dieu Donnoient grant esbat a lennemy. Apres si aduint que ceulx et celles qui cryoient et estoient tourmentez gettoient leurs cornes / leurs atours et leurs cointises cōme toutes forcenees. Et apres quilz eurent illec fait leur neusuaime au chief De neuf tours a la priere du saint Hermite ilz reuindrent en leur sens et furent bien chastiez De la en auant de parler ne de iangler au seruice de dieu. Pourquoy icy a bon exēple comment nul ne doit parler ne destourber le diuin seruice de dieu.

Encores vouldroyz ie que vo^s sceussiez que il aduint a la messe de saint martin de tours. Le saint homme chantoit sa messe / si luy aydoit son clerc et filleul / cestoit saint Brice qui fut archeuesque de tours apres luy lequel se print a rire en luy aydant / et

sainct martin sen apperceut. Et quāt la messe fut chantee saint martin l'apella et luy demāda pourquoy il auoit ris. Et il respōdit quil auoit deu sen nemy qui mettoit en escript ce que les femmes et dames disoient tant comme il disoit la messe/dont il aduint que le parchemin dūg des ennemys fut trop court et petit et il le print a tyrer aux dens pour lalongner/et cōme il tyroit fort il luy eschappa tellement que il se ferit Dela teste contre la muraille/et pour ce ie men riz. Et quāt saint martin eut ouy saint brice ⁊ que il eut deu cela il cōgneut bien que il estoit saint homme. Et prescha sur ceste matiere saint martin aux femmes comment cestoit grant peche de parler ne de cōseiller a la messe ne au seruice de Dieu et quil vaudroit mieulx la moytie ny estre pas que y parler ne cōseiller. Et encores soustiennēt les grans clerics que len ny doit dire nulles heures tāt comme la messe dure. Et par especial tant comme leuangille dure ne le per omnia. Et pour ce bel exēple a cy belles filles comment vous deuez contenir humblement et deuotement a leglise ne y tenir tangles ne parolles a nul luy pour riens.

De celle qui perdit a ouyr la messe.



Ne autre exemple Vo^d diray De ceulx qui par leur paresse perdent a ouyr la messe et la font perdre aux autres. Jay ouy compter le compte dūg cheualier et dune dame qui Des

leur ieunesse prenoient moult grant delict a dormir a haulte heure et se maintindrēt par telle guise que bien souuēt ilz perdoient la messe et la faisoient perdre a leurs parroissiens. Car la parroisse ou ilz Demouroient estoit leur et le cure ne les osoit desobeyr. Si aduint que a vng Dymenche ilz manderent que on les attendist. Et quāt ilz furent venuz il fut midy passe. Si leur dist le cure de leglise que il estoit heure passe / et par ce il ne osa chanter et ny eut point de messe celluy dymēche dōt il fist moult de mal aux bonnes gens et parroissiens / mais a souffrir le leur cōuint. Si aduint la nuyt en aduision au cure par Deux fois ou par trois q̄l luy sembloit quil gardoit vne grant compaignie De brebis en vng champ ou il nauoit point dherbe. Si les vouloit mettre en vng pastiz pour paistre ou il ny auoit que vne entree. Et a celle entree auoit vng porc noir et vne truype couchez au trauers du chemin. Ces porc et truype estoient cornuz/et auoient ledit cure si grant paour luy et les ouailles que ilz nosoient entrer ou pastiz et sen alloient tantost arriere a leur toict sans paistre ne sans māger. Et puis vne voix luy disoit. Laissez tu a obeyr pour ces bestes cornues. Et lors il sen esueilla. Et tout ainsi cōme il aduint au prestre il aduint celle nuyt au cheualier et a la dame tout en la mesme maniere / fors que il leur sembloit que ilz estoient Deuenus le porc et la truype. Et estoient cornuz et ne vouloient laisser passer les brebis au pastiz. Et apres cela venoit vne grant chasse De veneurs noirs sur

De celles qui ne font que jengler aux esglises.

CHAPITRE XXVIII.

Un autre exemple vous diray de celle qui loquençoit et jengloit à l'esglise quant elles doivent ouir le divin office. Il est contenu ès gestes de Athènes que un saint hermite estoit, preudons et de sainte vie. Si avoit en son hermitage une chapelle de saint Jehan. Si y vindrent les chevaliers, les dames et damoiselles du païs en pelegrinaige, tant pour la feste comme pour la sainteté du preudomme. Si chanta l'ermite la grant messe, et, quant il se tourna après l'euvangille, si regarda les dames et damoiselles et plusieurs chevaliers et escuiers, qui bourdoient et jengloyent à la messe et conseilloyent les uns aux autres. Si regarda leur folle contenance, et vit à chascune oreille de homme et de femme un ennemy moult noir et moult horrible qui aussy se rioient et jengloyent d'eulx et escrivoient les parolles que ils disoient. Ces ennemis sailloient sur leurs cornes, sur leurs riches atours et sur leurs cointises, aussi comme petiz oiselez, qui saillent de branche en branche. Sy se seigna li preudomme et se esmerveilla. Et quant il fut à son canon, aussy comme en la fin, il les ouy flater et parler, et rire et bourder. Sy fery sur le livre pour les faire taire, mais aucuns et aucunes y avoit qui se teurent point. Lors dist : « Beau sire Dieux, faictes les taire et faictes

congnoistre leurs folies. Lors tous ceux qui se rioient et qui jengloient se prindrent à crier et à braire, hommes et femmes, comme gens demoniacles, et soufroient si grant douleur que c'estoit piteuse chose à ouïr. Et quant la messe fu chantée, le saint hermite leur dit comment il avoit veu les ennemis d'enfer eulx rire des mauvaises contenancez qu'ilz faisoient à la messe, et après leur dist le grant péril où ilz cheoyent de parler et de y bourder, et le grant pechié où ilz entroient, comme à la messe et ou service de Dieu nulz et nulle n'y doit venir fors pour le ouïr humblement et devotement et pour adourer et prier Dieu. Et après leur dist comment il veoit les ennemis saillir et saulteler sur leurs cornes et sur les attours de plusieurs femmes, c'estoit à celles qui tenoient parolles et contens aux compaignons et à celles qui pensoient plus en amourettes et aux deliz du monde que à Dieu, pour plaire et avoir les resgars des musars. Sur celles y veoit les ennemis espinguer; maiz sur celles qui disoient leurs heures et estoient en leur devocion, il n'y estoit pas, combien que il y en avoit d'assez cointes et bien parées; car il tient le plus au cuer. Et après leur dist que celles qui se cointissoient pour mieulx estre regardées et y prenoient plus grans plaisances que au service de Dieu, donnoient grant esbat à l'ennemy. Après si advint que ceulx et celles qui cryoient et estoient tourmentez, que les femmes getterent leurs cornes, leurs atours et leurs cointises comme toutes forcennées; et toutesfoiz firent illecques leur neufvaine, et au chief de ix jours, à la prière du saint hermite, ilz revindrent en leurs sens, et furent bien chastiez dès là en

avant de parler ne de jengler ou service de Dieu. Pour quoy il y a cy bon exemple comment nul ne nulle ne doit parler ne destourber le divin office de Dieu.

D'un exemple qui avint à la messe saint Martin.

CHAPPITRE XXIX^e.

Et encores vouldroye que vous sceussiez qu'il advint à la messe de saint Martin de Tours. Le saint homme chantoit la messe ; sy lui aidoit son clerc et son filleul ; c'estoit saint Brice, qui après luy fut arcevesque de Tours, lequel se prist à rire, et saint Martin s'en apparceut, et, quant la messe fust chantée, saint Martin l'appella et luy demanda pourquoy il avoit ris, et il respondy qu'il avoit veu l'ennemy qui mettoit en escript ce que les femmes et hommes s'entredisoyent tant comme il disoit la messe, dont il advint que le perchemin d'un des anemis fut trop court et petit, et il le prist à tirer aux dens pour le esloigner, et, comme il le tira fort, il lui eschapa telement que il se fery de la teste contre la masière. Et pour ce m'en ris. Et, quant saint Martin eut ouy saint Brice, et qu'il avoit veu ce, il vit bien qu'il estoit saint homme. Sy prescha sur ceste matière aux femmes comment c'estoit grant pechié de parler ne de conseiller à la messe, ne au service de Dieu, et qu'il vouldroit mieulx la moitié à n'y estre pas que y parler ne y conseiller ; et encores soustiennent les grans clers que l'en n'y doit dire

nulles heures, tant comme la messe dure et par especial tant comme l'euvangille dure ne le *per omnia*. Et pour ce, belles filles, a cy bonne exemple comment vous devez contenir humblement et devotement à l'eglise, ne y tenir parolles ne jangler à nulluy pour riens qu'il aviengne.

De celle qui perdit à oïr la messe.

CHAPITRE XXX^o.

Un grant exemple vous diray de ceulx qui par leur paresse perdent à ouïr la messe et la font perdre aux autres. J'ay ouy compter le compte d'un chevalier et d'une dame qui, dès leur jeunesse, prenoient moult grant delit à dormir à haulte heure ; sy le maintindrent par telle guise que bien souvent ilz perdoient à oïr la messe et la faisoient perdre à leurs paroissiens ; car la paroisse où ils demouroient estoit leur, et illec personne ne les osoit desobeir. Sy avint que à un dymenche ilz mandèrent que l'en les attendist, et quant ilz furent venuz il fut midy passé. Sy respondirent plusieurs à la personne ou chappelain de l'esglise que il estoit heure passée et pour ce il ne osa chanter et n'y ot point de messe celuy dymenche, et fist moult de mal aux bonnes gens ; mais à souffrir le leur convint. Si avint la nuit ensuivant en avision au chappelain par ij foiz ou par troix, qu'il lui sembloit qu'il gardoit une grant compaignie de brebis en un champ où n'a-